

Caso den Corte na Merca contra Gobierno di Aruba

Falsificacion di documentonan den caso Race Track

ORANJESTAD (AAN) Un noticia cu sigur lo sacudi pueblo di Aruba awe den su totalidad, ta un informacion hopi espantoso y sumamente serio cu a yega na redaccion di DIARIO encunto di falsificacion di documentonan riba Race Track.

Payasada Parlamentario riba Race Track ta nada otro cu un campaña politico di partido MEP / PPA pa asina trata na saca probecho politico pa e siguiente eleccion pasobra si e gobierno di MEP / PPA tabata tin intencion pa realmente haci un investigacion serio riba posibel actonan cu no tabata bon den proyecto di Race Track, anto nan a laga Ministerio Publico haci un investigacion oficial for di tres aña y mey pasa caba.

No ta pornada cu awor cu falta algun luna prome cu eleccion cu gobierno di MEP / PPA ta bin cu un encuesta parlamentario riba Race Track y cual encuesta a para caba den Payasada Parlamentario.

Actuacion di parlamentarionan di MEP y tambe PPA a muestra pueblo en vivo via Tele Aruba con henter un circo a worde orkestra riba e asunto di Race Track.

E siman aki cos a yega na un nivel asina bergonzoso pa pais Aruba cu parlamentarionan di MEP y PPA mester a busca un

traductor pasobra nan no ta domina ingles pa por a interroga un bankero di habla ingles.

Ta con parlamentarionan sinta den un encuesta parlamentario por bay splica pueblo cu nan a investiga Race Track debidamente, si mayoria documento of un cantidad hopi importante of peor ainda, e documentonan mas crucial ta na ingles y e parlamentarionan di MEP y PPA no ta domina ingles?

Documentonan cu redaccion a haya como prueba, ta ilustra y ta duna indicacion cu falsificacion di informacion riba e proyecto di Race Track a worde haci aki na Aruba y manda pa Merca pa asina hinca henter e caso y proceso di Race Track den actonan hopi dudoso y cuestionable.

Kende na Aruba den gobierno y como abogado a participa den falsificacion y

manipulacion cu documentonan oficial di corte na Merca pa asina perhudica esnan cu tabata envolvi den proyecto di Race Track?

Manipulando y falsificando documentonan riba caso di Race Track tres ministro y un oficina di abogado na Aruba a participa den un acto contra ley Mericano y pa cual pronto nan lo tin cu bay duna cuenta den corte na Merca.

Encuesta Parlamentario cu mester tabata e cabay di bataya pa MEP y PPA saca probecho politico awor ta bay rebenta den na mesun cara cu un caso penal den corte na Merca, unda cu Prome Ministro Nel Oduber, Ministro Nilo Swaen, ministro Rudy Croes y tambe oficina di abogado Hendrik Croes mester bay responsabiliza nan mes.

Awe durante di e Payasada Parlamentario pueblo kier tende parlamentarionan di

MEP y PPA haci pregunta na señor Carlo Mansur kende mester testigua awe, kico e lo por tin na informacion of kico e por ta na altura di dje encunto falsificacion y manipulacion cu documentonan riba Race Track den corte na Merca?

A falsifica y a manipula cu documentonan riba proyecto di Race Track cu e meta pa faborece Sanchez y pone cu pais Aruba mester a paga miyones cu por a worde evita?

Ta berdad cu awor pais Aruba posiblemente por haya su mes confronta cu un caso di daño y perjuicio di por lo menos 40 milyon Dollar den corte na Merca pa

motibo cu tres ministro y un abogado a firma documento pa asina falsificacion y manipulacion cu e caso di Race Track por a tuma lugar?

Falsificacion di documentonan di un corte na Merca ta un acto penal hopi serio bao di ley Mericano y mirando cu Aruba a sera un tratado di extradicion unda actonan penal ta haci posibel cu extradicion por tuma lugar, esaki lo por bay encera cu esnan cu ta bay lanta caso contra gobierno di Aruba na Merca por exige extradicion di tres ministro y por lo menos un abogado; esaki lo bay ta e berguensa di siglo pa Aruba y henter Reino Hulandes.

TELEFONNAN DI DIARIO
582-6747- FAX 582-8551

RED SECURITY!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Mesa di Olifante
Afl. 125,=

